

BATASUNAREN LEGEZ KANPORATZEA. Estatuaren Abokatuak eta fiskalak Batasunaren lege kanporatze auzian azken ondorioak aurkeztu dituzte Auzitegi Goreneko Sala Berezian, horretarako epea zabaldu eta lau egunera.

Auzitegi Gorenak martxo erdialdetik aurrera eman ahal izango du epaia

Hogeia eguneko epea izan arren lau egunetan eman dituzte ondorioak Estatuaren Abokatuak eta Fiskaltzak

Imanol Murua Uria | DONOSTIA

Estatuaren Abokatuak eta Fiskaltzak azken ondorioak aurkezteko hogeia eguneko epea bazuten ere, lau egun baino ez dituzte erabili, eta atzo eraman zituzten Batasuna lege kanporatzea eskatzeko frogen txostenak Auzitegi Gorenera. Batasuna ETaren menpeko erakundea dela da bi eskaeren argudio nagusia.

Legez kanporatzearen epaia martxoaren erdialdetik aurrera eman ahal izango du, honenbestez, Sala Berezia: epaia emateko hogeia eguneko epea agortzen badu, apiril hasieran izan daiteke. Azkenean hogeia eguneko epe bakarria izan dute Estatuaren Abokatuak eta Fiskaltzak ondorioak aurkezteko eta ez, Salaren aurreneko ebazpenean uler zitekeenez, hogeia egunetako epe bana. Bi auzi jarrailean epea martxoaren 3an zen bukatzekoa, baina atzo agortu zutenez, Salak gaur bertan ireki dezake Batasunaren defentsarentzako epea. Ondorioz, martxoaren bigarren astearen hasieran bukatuko da Batasunaren epea. Hortik aurrera, magistratuak hogeia egun izanongo dituzte epaia emateko.

Estatuaren Abokatuak eta Fiskaltza orokorrean bat datoz azken ondorioetako argudioetan. Biek diote auzialdi publikoetako lekukotzek eta aurkeztutako frogen azterketek egiaztatu egin dutela Batasuna ETaren menpeko erakundea dela, eta Alderdien Legea indarrean jarri zenez geroztik Batasunak lege urraketa ugari egin dituela.

Legez kanporatzea eskatzeko funtsean arrazoi hauek aurkeztu dituzte Estatuaren Abokatuak nahiz Fiskaltzak: HB ETak sortu zuen, EH eta Batasuna HBren jarraipena dira, Batasuneko hautetsiek ETaren atentatuak ez dituzte gaitzesten, ETaren aginduz Batasunak ETako presoan aldeko kanpainak sostengatzen ditu, eta «terrorismoagatik zigortutakoak» HB edo EHko zerrendatan aurkeztu izan dira.



MANUEL H. DE LEON / EFE
Jose Maria Luzon fiskala eta Ramon Miñarro Estatuaren abokatuak, auzialdi publikoen lehenengo saioan.

ONDORIOAK

Batasuna ETaren menpeko erakundea dela argudiatu dute Estatuaren Abokatuak eta Fiskaltzak

Joseba Pagazaurtunduren hilketa ere lege kanporatzea eskatzeko argudioen artean sartu du Estatuaren Abokatuak, *Legez kanporatzeko arrazoi berriak, eskaeraren ondorengoak* atalean. «Gertaera kriminal hauen aurreko isiltasuna, abszentsia eta gaitzespen eza [alkatearena eta Batasuneko hiru zinegotzirena] lege kanporatzeko beste arrazoi bat gehiago dira», dio.

Bi txostenak

Jose Maria Luzon fiskalak 22 orriko txostenean bildu ditu Batasuna lege kanporatzeko arrazoiak jotzen dituen hamabost gertaerak. Azken ondorioen bukaeran, Alfonso Alonso Gasteizko alkateak auzialdi publikoetan esandako esaldi bat nabarmentzen du fiskalak, «egia materiala» «modu adierazgarrian» laburbiltzen duela: «Titiko umeek ere bada-kite ETA eta Batasuna gauza bera direla», esan zuen Alonsok, Fiskalak gogoratzen duenez.

ETaren eta Batasunaren arteko lotura egiaztatzen ahalegindu ziren guardia zibil perituen txostenak eta lekukotzak sinesgarritasun osoa dutela azpimarratzen du fiskalak. Hauen inpartzialtasuna zalantzan jartzeko arrazoirik ez dagoela argudiatu ondoren, Batasunaren defentsak froga periziala «inola ere» ez zuela indargabetu dio fiskalak, guardia zibilak «nahasteko eta zer erantzun jakin gabe uzteko ahalegina egin zuen arren».

Arturo Garcia Tizon Estatuaren abokatu nagusiak, aldiz, 129 orrialdetan bildu ditu ondorioak. ETaren eta Batasunaren

BATASUNAREN BALORAZIOA

«Epaia ahalik eta azkarren nahi dute»

Estatuaren Abokatuak eta Fiskaltzak izan duten «azkartasuna» azpimarratu du Iñigo Iruin Batasunaren abokatuak. «Honek erakusten du Espainia Gobernuaren ardura bakarra epaia ahalik eta azkarren ematea dela», adierazi dio EGUNKARIAri Iruinek.

Iruinen arabera, Estatuko Abokatuarentzat eta Fiskalarentzat «formalismo edo tramite hutsa» da guztia. Helburua, azken batean, prozedurak «helburu politiko nagusia» ez atzeratzea da: «Batetik, Batasuna Europako talde terroristen zerrendan sartzea; eta bestetik, Batasuna edo ezker abertzalearen adierazpen politikoa eduki



JUAN CARLOS RUIZ / ARGAZKI PRESS
Iñigo Iruin.

dezaketen taldeek hurrengo hauteskundeetan aurkezteko aukerarik ez izatea». Iruinek ondorioak prestatzeko «behar dugun denbora» erabiliko duela dio, «aurretik aurkeztu genituen frogak osatzeko, eta nabarmen uzteko auzialditan garbi geratu zena».

Joseba Permach Batasuneko mahaikideak prentsa ohar baten bidez azaldu duenez, prozesu horren helburua «ezker abertzalearen suntsitzea judizialki justifikatzea da». Permachen aburuz, ez dago frogarik Batasuna lege kanporatzeko. «Estatuko arrazoiak da, ezker abertzalea eragile zuzena delako Euskal Herrian eraikitzen ari den marko berria», esan zuen Batasuneko ordezkariak.

Bestelakoan, Permachen arabera, informea oso garbia da Fiskalaren eta Estatuaren Abokatuaren ikuspuntutik: «Francoren garaian bezala Espainia bakar eta handi baten alde oso ondo ari baitira lanean», zioen Permache. Horren aurrean, «abertzale eta demokratik» antolatzeraz deitu zituen, «eraso faxistei herri moduan aurre egiteko indarrak koordinatu beharra dagoelako».